



楚世家第十

史記四十

楚之先祖出自帝顓頊高陽高陽者黃帝之孫

昌意之子也高陽生稱正義曰尺蓋反稱生卷章卷章

生重黎徐廣曰世本云老童生重黎及吳回譙周曰老童即卷章索隱曰重氏黎氏二官代司天地重為

木正黎為火正據左氏少昊氏之子曰重顓頊氏之子曰黎

今以重黎為一人乃是顓頊之子孫者劉氏云少昊氏之後

曰重顓頊氏之後曰重黎對彼重則單稱黎若自三當家則

稱重黎故楚及司馬氏皆重黎之後非關少昊之重愚謂此

解為當重黎為帝嚳高辛居火正索隱曰此重黎為火正彼少昊氏之後重

自為木正知此重黎即彼之黎也甚有功能光融天下帝嚳命曰祝融也韋昭曰祝始也共工氏作亂帝嚳使重黎

誅之而不盡帝乃以庚寅日誅重黎而以其弟

吳回為重黎後復居火正為祝融吳回生陸終

陸終生子六人坼剖而產焉于寶曰先儒學士多疑此事誰允南通才達學

精核理數者也作古史考以為作者妄記廢而不論余亦尤其生之異也然秦六子之世子孫有國升降六代數千年間

失至霸王天將與之必有尤物乎若夫前志所傳脩已背坼而生禹簡狄宵剖而生契歷代以遠莫足相證近魏黃初五年

汝南屈雍妻王氏生男兒從古胎下水腹上出而平和自若數月割合母子無恙斯蓋近事之信也以今况古固知注記

者之不安也天地云為陰陽變化安可守之一端既以常理乎詩云不坼不剖無災無害原詩人之自明古之婦人嘗有

坼剖而產者矣又有因產而遇災害者故美其無害也○素隱曰系本云陸終娶鬼方氏之妹謂之女嬪其長

一曰昆吾虞翻曰昆吾各樊為已姓封昆吾世本曰昆吾者衛是也○素隱曰系本云其一曰樊是

為昆吾宋忠曰昆吾國名已姓所出左傳曰衛侯夢見被髮登昆吾之觀今濮陽城中有昆吾臺是○正義曰括地志云

濮陽縣古昆吾國也昆吾故城在縣西三十里臺在縣西百步即昆吾墟也

二曰參胡世本曰

韓是也○素隱曰系本云二曰惠連是

為參胡宋忠曰參胡國各斯姓無後

三曰彭祖虞翻曰

彭姓封於大彭世本曰彭祖者彭城是也○素隱曰系本云三曰錢鏗是為彭祖虞翻所云是也○正義曰括地志云彭

城古彭祖國也外傳云殷末滅彭而國也虞翻云名翦神仙傳云彭祖諱鏗帝顓頊之玄孫至殷末年已七十歲

而不衰老遂往流沙之西非壽終也

四曰會人世本曰會人者鄭是也○素隱曰系本云四曰求言

是為鄭人宋忠曰求言名也鄭姓所出鄭國也○正義曰括地志云故鄭城在鄭州新鄭縣東北二十二里毛詩譜云昔

高辛氏之土祝融之墟歷唐至周里黎之後

五曰曹姓世本曰曹姓者鄭是也○素隱曰系本云其五曰安是為曹

姓宋忠云安名也曹姓者諸曹所出也○正義曰括地志云故邾國在黃州黃岡縣東南百

六曰季連羊姓楚是也

後也索隱曰系本云六曰季連是為羊姓季連者楚是也

反羊羊聲也

日比吾氏夏之時嘗為侯伯桀之時湯滅

之彭祖氏殷之時嘗為侯伯殷之末世滅彭祖

氏季連生附沮孫檢曰一作祖○索隱曰沮音才救反附沮生穴熊

其後中微或在中國或在蠻夷弗能紀其世周

文王之時季連之苗裔曰鬻熊鬻熊子事文王

蚤卒其子曰熊麗熊麗生熊狂熊狂生熊繹熊

繹當周成王之時舉文武勤勞之後嗣而封熊

繹於楚蠻封以子男之田姓辛氏居丹陽曰在

南郡枝江縣○正義曰穎客云傳例云楚居丹陽今枝江縣故城是括地志云歸州巴東縣東南四里歸故城楚子熊繹

之始國也又能熊繹墓在歸州秭歸縣輿地志云秭歸縣東有丹陽城周迴八里熊繹始封也楚子熊繹

與魯公伯禽衛東叔子牟晉侯燮齊太公子呂

仍俱事成王熊繹生熊艾能艾生熊黜索隱曰音土感反黜音與但與宜同字亦作宜也熊黜生熊勝熊勝以弟熊揚為

後索隱曰鄒誕本作熊錫又作揚熊揚生熊渠熊渠生子三人當

周夷王之時王室微諸侯或不朝相伐熊渠甚

得江漢間民和乃興兵伐庸杜預曰庸今上庸縣正義曰括地志云

房州竹山縣本漢上庸縣古之庸國昔周武王伐紂庸蠻在焉楊粵去爾隱曰有本作楊粵立曰吁地名也今音越

誰周作至于鄂正義曰五各反劉伯莊云地名在楚之四後徙楚今東鄂州是也地志云鄧州向城

縣南二十里西鄂故城是楚西鄂熊渠曰我蠻夷也不與中國之

號謚乃立其長子康為句亶王正義曰今江陵也○去爾隱曰系本康作庸

亶作祖地理志云江陵南郡之縣也楚文王自丹陽徙都之中子紅為鄂王九州記曰鄂今

武昌○素隱曰有本作襄紅音執費紅從下文能執費紅讀古史
考及鄒氏劉氏等無音襄紅恐非也○正義曰括地志云武
昌縣鄂王舊都今鄂王
神即能渠子之神也
越作就○正義曰
即上鄂王紅也
少子執疵為越章王
索隱曰系本無執字

之時暴虐能渠畏其伐楚亦去其王後為熊母

康徐廣曰即渠之長子母康早死能渠卒子能摯紅立摯

紅卒其弟弒而代立曰能延索隱曰如此史意即上鄂王紅也誰周以為能

渠卒子能摯立卒長子摯有疾少子能延立此云摯紅卒其弟然而自立曰能延欲會此代系則用亦母康之弟能渠者既卒母康又早卒其摯紅立而被延斂故史考言摯有疾而此言弒也○正義曰誰周言摯有疾此言殺未詳宋均主樂緯云能渠嫡嗣曰能摯有惡疾不得為後別居於夔為楚附庸後王命曰夔子也能延生能勇能

勇六年而周人作亂攻厲王厲王出奔彘能勇十

年卒弟能嚴為後能嚴十年卒有子四人長子伯

霜中子仲雪次子叔堪索隱曰堪一作湛少子季徇索隱

曰徇音旬俊反能嚴卒長子伯霜代立晉為能霜能霜

元年周宣王初立能霜六年卒二弟爭立仲雪

死叔堪云避難於濮杜預曰建寧郡南有卜夷○王義曰按建寧晉郡在蜀南與蠻

相近劉向莊云濮在楚西南孔安國云肅濮在漢之南按成公元年楚地千里孔說是也而少弟季

徇立是為能徇能徇十六年鄭桓公初封於鄭

二十二年能徇卒子能罈立索隱曰罈音能罈九

年卒子能儀立是為若敖若敖二十年周幽王

為犬戎所弒周東徙而秦襄公始列為諸侯二

十七年若敖卒子熊坎立是為霄月敖索隱曰坎音若感反一作

苗又霄敖六年卒子熊駒立徐廣曰駒音舜○索隱曰按玉篇駒在口部願

氏云楚之先即蚡冒也劉首舜其近代具為蚡冒索隱曰蚡

本字有從目者故劉氏有舜音非也蚡冒十二年晉惠如亂以曲沃之

故蚡冒十七年卒蚡冒弟熊通弒蚡冒子而代

立是為楚武王武王十七年晉之曲沃莊伯弒

主國晉孝侯十九年鄭伯弟段作亂二十一年

鄭侵天子之田二十三年衛弒其君桓公二十

九年魯弒其君隱公三十一年宋太宰華督弒

其君殤公三十五年楚伐隨買達曰隨姬姓也杜預曰隨國今義陽隨縣○正義

曰括地志云隨州外城古隨國地山本云楚武王墓在豫州

新息隨州姓也武王卒師中而兵罷括地志云五十隨曰我無罪楚曰我蠻夷也今諸侯皆為叛

相侵或相殺我有敝甲欲以觀中國之政請王

室尊吾號隨人為之周請尊楚王室乎小聽還報

二十七年楚熊通怒曰吾先鬻鬻熊文王之師也

早終成王舉我先公乃以子男田今臣口楚蠻夷

皆率服而王不加位我自尊耳乃自立為武王

與隨人盟而去於是始開濮地而有之五年十一年

周召隨侯數以立楚為王楚怒以隨背已伐隨武

王卒師中而兵罷皇覽曰楚武王家在汝州郡嗣陽縣

葛陵鄉城東北民謂之楚王岑漢永

平中葛陵城北祝里社下於土中得銅鼎而名曰楚武王由是知楚武王之冢民傳言秦項赤晉之時欲發之輒頽壞填

之波因為子文王能質立始都郢正義曰括地志云

鄧人曰楚王易取鄧侯不許也六年伐蔡正義曰括地志云

而釋之楚彊陵江漢間小國小國皆畏之十

一年齊桓公始霸楚亦始大十二年伐鄧滅之

十三年卒子熊羆立文記音隱云是為杜敖索隱曰杜作杜

反側狀杜敖五年欲殺其弟熊暉索隱曰暉音紆粉

暉元年初即位布德施惠結舊好於諸侯使人

獻天子天子賜胙曰鎮爾南方夷越之亂無侵

中國於是楚地千里十六年齊桓公以兵侵楚

至陘山正義曰杜預云陘楚地潁川召陵縣南有陘亭括楚成王使將軍屈完以兵弒宗之與桓

公盟桓公數以周之賦不入王室楚許之乃去

十八年成王以兵北伐許地理志曰潁川許許君

肉袒謝乃釋之二十二年伐黃

索隱曰汝南弋陽縣故其更國○正義

括地志云黃國故城漢弋陽縣也秦時黃都贏姓在光州定城縣四十里也

二十二年滅英

徐廣曰年表及他本皆作英一本作黃○正義曰英國在淮南苦蕒國也不知改名時也

三十三年宋

襄公欲為盟會召楚楚王怒曰召我然我將好往

龍襄辱之遂行至孟正義曰音于宋地也遂執辱宋公已而歸

之三十四年鄭文公南朝楚楚成王北伐宋敗

之泓射傷宋襄公襄公遂病創死三十五年晉

公子重耳過成王以諸侯客禮饗而留送之於

秦三十九年魯僖公來請兵以伐齊楚使申侯

將兵伐齊取穀杜預曰齊北穀城縣○正義我曰括地志云穀在濟州東阿縣東一十六里置

齊桓公子雍焉齊桓公七子皆奔楚楚盡以為

止大夫滅夔夔不祀祝融鬻熊故也服虔曰夔楚熊渠之後夔在巫山之陽秭歸鄉是也○索隱曰譙周作滅歸歸即夔之地各歸縣之鄉也夏伐宋宋

告急於晉晉救宋成王罷歸將軍子玉請戰成

王曰重耳亡居外久卒得反國天之所開不可

當子玉固請乃與之少師而去晉果敗子玉於

城濮成王怒誅子玉四十六年初成王將以商

臣為太子語令尹子上子日君之齒未也杜預

曰齒年也而又多內寵絀乃亂也楚國之舉常在

言尚少少者賈逵曰舉立也且商臣逢蠅目而射聲忍人也服虔曰言忍為

不義不可立之王不聽立之後又欲立子職賈逵曰職商臣

也而紂太子商臣商臣聞而未審也告其傅

潘崇曰何以得其實崇曰饗王之寵姬姬當江

芋而勿敬也商臣從之江芋正義曰芋三爾友怒曰宜乎

王之欲殺甚而立職也商臣生且潘崇曰信矣崇

曰能事之乎服虔曰若立職子能事之曰不能能亡去乎曰不

能能行大事乎服虔曰謂試君曰能冬十月商臣以宮

衛兵圍成王成王請食熊蹯而死杜預曰熊掌難熟與久將有外

也救之不聽丁未成王自絞殺商臣代立是為穆

王穆王立以其太子宮子潘崇使為太師掌國

事穆王二年滅江杜預曰江國在汝南安陽縣四年滅六

蓼杜預曰六國今廬江六八年伐陳十

二年卒子莊王侶立莊王即位三年不出號令

日夜為樂令國中曰有敢諫者死無赦伍舉入

諫莊王左抱鄭姬右抱越女坐鍾鼓之間伍舉

曰願有進隱隱謂隱曰有鳥在於阜三年不蜚

不鳴是何鳥也莊王曰三年不蜚蜚將冲天三

年不鳴鳴將驚萬人舉退矣吾知之矣居數月淫

益甚大夫蘇從乃入諫王曰若不聞令乎對曰

殺身以明君臣之願也於是乃罷淫樂聽政所

誅者數百人，所進者數百人，任伍舉、蘇從以政。國人大說是。歲滅庸。正義曰：房州竹邑縣今是也。六年伐宋

獲五百乘。八年伐陸渾戎。服虔曰：陸渾戎在洛西南。正義曰：尹姓之戎，徙居

陸渾，遂至洛，觀兵於周郊。服虔曰：觀兵陳兵示周也。周定王使

王孫滿勞楚王。服虔曰：以郊勞禮迎之也。楚王問鼎，小大輕重

杜預曰：示欲逼周取天下。對曰：在德不在鼎。莊王曰：子無阻九

鼎，楚國折鉤之喙。正義曰：喙許衛反，几戟有鉤，象鉤口之尖也。言楚國戰之鉤口尖大有折者

足以為鼎言。足以為九鼎。王孫滿曰：嗚呼！君王其

忘之乎！昔虞夏之盛，遠方皆至，貢金九牧。服虔曰：使九州

之牧鑄鼎象物。賈逵曰：象所圖。百物而為之備，使

貝金鑄鼎象物。賈逵曰：象所圖。百物而為之備，使

民知神姦。杜預曰：區鬼神百物之形，使民逆備之也。桀有亂德，鼎遷於殷

載祀六百。賈逵曰：載，辭也。祀，年也。商曰：殷紂暴虐，鼎祀王肅曰：載祀者，猶言年也。殷紂暴虐，鼎

遷於周德之休明，雖小必重。杜預曰：不可遷。其姦回昏

亂，雖大必輕。杜預曰：三可移。昔成王定鼎于郊，鄩杜預曰：鄩，今河南

也。河南縣西有郊，鄩，陌武王遷之。成王定之。○索隱：隱曰：按周書郊，維北山，各音甲，鄩謂田厚，鄩故以各焉。

三十卜年七百天所命也。周德雖衰，天命未改

鼎之輕重，未可問也。楚王乃歸。九年，相若敖氏

左傳曰：人或讒之王，恐誅反攻。王王擊滅若敖氏

之族。十三年，滅舒。杜預曰：盧江六縣東有舒城也。十六年，伐陳，殺

夏徵舒，徵舒弑其君，故誅之也。已破陳，即縣之

羣臣皆賀申叔時使齊來不賀王問對曰鄙語
曰牽牛徑人田田主取其牛徑者則不直矣取
之牛不亦甚乎且王以陳之亂而率諸侯伐之
以義伐之而貪其縣亦何以復令於天下莊王
乃復國陳後十七年春楚莊王圍鄭三月克之
入自皇門賈逵曰鄭城門何休曰鄭門也鄭伯肉袒牽羊以逆賈逵
曰肉袒牽羊示服為臣隸也曰孤不天不能事君君用懷怒以
及敝邑孤之罪也敢不唯命是聽賓之南海若
以臣妾賜諸侯亦唯命是聽若君不忘厲宣桓
武杜預曰周厲王且王鄭之所自出也鄭武公桓公如封之賢君也不絕其社稷使改

事君孤之願也非所敢望也敢布腹心楚羣臣
曰王勿許莊王曰其君能下人必能信用其民
庸可絕乎莊王自手旗左右麾軍引兵去三十
里而舍遂許之平杜預曰退一舍而禮鄭潘尪入盟子良出
質潘廙楚大夫子良鄭伯弟夏六月晉救鄭與楚戰大敗晉
師河上遂至衡雍而歸二十年圍宋以殺楚使
也索隱曰左傳宣十四年楚子使申舟聘于齊曰無假道于宋華元曰過我而不假道鄰我也鄭我亡也殺其使圍宋五月城中
食盡易子而食析骨而炊宋華元出告以情莊
王曰君子哉遂罷兵去二十三年莊王卒子共

王審立共王十六年晉伐鄭鄭告急共王救鄭
與晉兵戰鄆陵晉敗楚射中共王曰共王召將
軍子反子反嗜酒從者豎陽殺進酒醉王怒射
殺子反遂罷兵歸二十一年共王去平子康王招
立康王立十五年卒子貞立索隱曰貞音雲左傳作寔是為郊
敖康王寵弟公子圍徐廣曰史記多作回子比子哲棄疾
郊敖三年以其季父康王弟公子圍為令尹主
兵事四年圍使鄭道聞王疾而還十二月己酉
圍入問王疾絞而弑之荀焜曰以冠纓絞之左傳曰葬王于郊謂之郊敖遂
殺其子莫及平夏使使赴於鄭伍舉問曰誰為

後服虔曰問來赴者對曰寡大夫圍伍舉更曰共王之

子圍為長杜預曰伍舉更赴辭重從禮告終稱嗣不以篡弑赴諸侯子比奔晉而

圍立是為靈王靈王三年六月楚使使告晉欲

會諸侯諸侯皆會楚于申伍舉曰昔夏啓有鈞

臺之饗杜預曰河南陽翟縣南有鈞臺陂商湯有景亳之命周武

王有盟津之拉成王有岐陽之蒐賈逵曰岐山之陽康王

有豐宮之朝服虔曰豐宮成王朝所在也杜預曰豐在始平鄠縣東有靈臺至康王於是朝諸侯穆

王有塗山之會齊桓有召陵之師晉文有踐土

之盟君其何用靈王曰用桓公杜預曰用會召陵之禮也時鄭

子產在焉於是晉宋魯衛不往靈王已盟有驕

色伍舉曰桀為有仍之會有緡叛之賈逵曰仍紂緡國名也

為黎山之會東夷叛之服虔曰黎東夷國名也子姓幽王為太

室之盟戎翟甥之杜預曰太室中嶽也君其慎終七月楚以

諸侯兵伐吳圍采方八月克之囚慶封滅其族

以封徇曰無效齊慶封弑其君而弱其孤以盟

諸大夫杜預曰齊崔杼弑其君慶封其黨故以弑君罪責之也封反曰莫如楚

共王庶子圍弑其君兄之子貞而代之立穀梁傳曰軍人

祭然皆笑於是靈王使棄疾殺之七年就章華臺杜預曰南郡華容縣有臺在城內

下令內亡人實之八年使公子棄

疾將兵滅陳十年召蔡侯醉而殺之使棄疾定

蔡因為陳蔡公十一年伐徐以恐吳左傳曰使蕩侯等圍徐

靈王次於乾谿以待之王曰齊晉魯衛其封皆

受寶器我獨不今吾使使周求鼎鼎以為分其予

我乎服虔曰有功德受分器析父對曰其予君王哉賈逵曰析父楚

大夫○索隱曰據左氏此是言尹子革之詞史甚誤也昔我先王熊繹辟在荆

山葦露藍葦徐廣曰葦一作暴駟案服虔曰葦露柴車素大輅也藍葦言衣敝壞其葦藍葦然也

以處草莽跋涉山林服虔曰草行曰跋涉水行曰涉以事天子唯

是桃弧棘矢以共王事服虔曰桃弧棘矢所以御不其災言楚地山林無所出也

齊王舅也服虔曰齊呂之舅晉及魯衛王母弟也楚是

以無分而彼皆有周今與四國服事君王將唯

命是從豈敢愛鼎靈王曰昔我皇祖伯父昆吾

舊許是宅服虔曰陸終氏六子長曰昆吾少曰季連季連

曰舊許是宅楚之祖故謂昆吾為伯父也昆吾曾居許地故今鄭人令其田不我予今我求之其予

我乎對曰周不愛晉鄭安敢愛田靈王曰昔諸

侯遠我而畏晉今吾大城陳蔡不羹韋昭曰三國

川定陵有東不羹韋昭曰三國故城在許州襄城東三十里地理志云此西不羹者也

賦皆千乘諸侯畏我乎對曰畏哉靈王喜曰析

父善言古事焉正義曰左傳昭十二年析父謂子革曰

若之何杜預云譏其順王心如響應聲也按此對王言是子革之辭太史公云始父誤也析父時為王僕見子革對故歎

也十二年春楚靈王樂乾谿不能去也國人苦

役初靈王會兵於申僂越大夫常壽過索隱曰殺

蔡大夫觀起索隱曰觀音起子從亡在吳從音才

松乃勸吳王伐楚為間越大夫常壽過而作亂

為吳間使矯公子棄疾命召公子比於晉且至蔡

與吳越兵欲襲蔡令公子比見棄疾與盟於鄧

杜預曰潁川鄧陵縣西有鄧城正義曰括地志云故鄧城在豫州鄧城縣東二十五里按在古召陵縣西十里者也

遂入殺靈王太子祿立子比為王公子子皙為

令尹棄疾為司馬先除王宮觀從從師于乾谿

令楚眾曰國有王矣先歸復爵邑田室後者遷

之楚眾皆潰去靈王而歸靈王聞太子祿之死

也自投車下而曰人之愛子亦如是乎侍者曰

甚是王曰余殺人之子多矣能無及此乎右尹

曰左傳曰右尹子革請待於郊以聽國人服虔曰聽國王曰

眾怒不可犯曰且入大縣而乞師於諸侯王曰

皆叛矣又曰且奔諸侯以聽大國之慮王曰大

福不再祗取辱耳於是王乘舟將欲入鄢服虔曰鄢楚別

都也杜預曰襄陽宜城縣正義曰音偃括地志云故鄢城

在襄州安養縣北三里在襄州北五里南去荊州二百五十

里按王自夏口從漢水上入鄢也左傳云王公夏將欲入鄢

是也括地志云鄢水源出襄州義青縣西界託伏山水經云

蠻水即鄢水是也右尹度王不用其計懼俱死亦去王亡

靈王於是獨傍偻山中野人莫敢入王王行遇

其故銷人韋昭曰今之中銷謂曰為我求食我已不食三

日矣銷人曰新王下法有敢饒王從王者罪及

三族且又無所得食王因枕其股而卧銷人又

以土自代逃去王覺而弗見遂飢不能起芊尹

申無宇之子申亥曰吾父再犯王命服虔曰斷王

旌執人於章王弗誅恩孰大焉乃求王遇王飢於釐澤

革之奉之以歸夏五月癸丑王死申亥家正義曰左傳

云夏五月癸亥王溢于芊尹申亥是也申亥以二女從死并葬之是時楚國

雖已立比為王畏靈王復來又不聞靈王死故

觀從謂初王比曰不殺棄疾雖得國猶受禍王

曰余不忍從曰人將忍王王不聽乃去棄疾歸
國人每夜驚曰靈王入矣乙卯夜棄疾使船人
從江上走呼曰靈王至矣國人愈驚又使曼成
然告初王比及令尹子皙曰王至矣國人將殺
君司馬將至矣杜預曰司馬謂棄疾君蚤自圖無取辱焉
眾怒如水火不可救也初王及子皙遂自殺丙
辰棄疾即位為王改名熊居是為平王平王以
詐弒兩王而自立恐國人及諸侯叛之乃施惠
百姓復陳蔡之地而立其後如故歸鄭之侵地
存恤國中修政教吳以楚亂故獲五率以歸服

曰五率蕩侯潘子司馬督躡尹午陵尹喜

平王謂觀從恣爾所欲欲為

卜尹王許之

賈逵曰卜尹卜師大夫官

初共王有寵子五人無

適立乃望祭羣神請神決之使主社稷而陰與

巴姬

賈逵曰共王妾

埋璧於室內

正義曰左傳云埋璧於大室之庭杜預云太室祖廟

也召五子齋而入康王跨之

服虔曰兩足各跨璧一邊杜預曰過其上

王肘加之子比子皙皆遠之平王幼抱而入再

拜壓紐故康王以長立至其子失之圍為靈王

及身而弒子比為王十餘日子皙不得立又俱

誅四子皆絕無後唯獨棄疾後立為平王竟續

楚祀如其神符初子比自晉歸韓宣子問叔向

曰子比其濟乎對曰不就宣子曰同惡相求如市賈焉服虔曰謂國人共惡靈王者如市賈之人求利也何為不就對曰無

與同好誰與同惡服虔曰言無黨於內當與誰共同好惡取國有五難

有寵無人一也杜預曰寵須賢人而固有人無主二也杜預曰雖有賢

有主無謀三也杜預曰謀策謀也有謀而無民

四也杜預曰民衆也有民而無德五也杜預曰四者既備當以德成之子比

在晉十三年矣晉楚之從不聞通者可謂無人

矣杜預曰晉楚之士從子比游皆非幸族盡親叛可謂無主矣杜預曰

曰無親族在楚無豐而動可謂無謀矣服虔曰言靈王尚在於晉是無民

謂無謀為羈終世可謂無民矣杜預曰終身羈客二

無愛徵可謂無德矣杜預曰楚人無愛念者王虐而不忌

杜預曰靈王暴虐無所畏忌將自立子比涉五難以弑君誰能濟之

有楚國者其棄疾乎君陳蔡方城正義曰方城山在許州葉縣西

十八里也外屬焉苛慝不作盜賊伏隱私欲不違服虔曰不以私欲違民心民無怨心先神命之國民信之莘姓有

亂必季實立楚之常也子比之官則右尹也數

其貴寵則庶子也以神所命則又遠之民無懷

焉將何以立宣子曰齊相晉文不亦是乎服虔曰皆

庶子而出奔對曰齊相衛姬之子也有寵於釐公有鮑

叔牙賓須無隰朋以為輔有莒衛以為外主賈逵

達

曰齊桓出奔莒自莒北入衛人助之有高國以為內主服虔曰國子高子皆齊之正卿

從善如流服虔曰言其疾施惠不倦有國不亦宜乎昔我

文公狐季姬之子也有寵於獻公好學不倦生

十七年有士五人有先大夫子餘子犯以為腹

心賈逵曰子餘趙衰有魏犢賈佗以為股肱有齊宋秦楚

以為外主賈逵曰齊以女妻之宋贈之有欒卻狐先

以為內主賈逵曰四姓晉大夫○正義曰杜預云謂欒枝卻縠狐突先軫也二十九年

守志彌篤惠懷棄民服虔曰皆棄民不恤民從而與之正義曰以

惠懷弃民故民相從而歸心於文公故文公有國不亦宜乎子比無

施於民無援於外去晉晉不送歸楚楚不迎何

以有國子比果不終焉卒立者棄疾正義曰左傳云獲神一也

有民二也令德三也寵貴四也居常五也有五利以去五難誰能害之杜預云獲神當璧拜也有民民信也令德無苛厓也寵貴妃子也居常棄疾季也如叔向言也平王二年使費無忌

如秦服虔曰楚大夫○索隱曰傳作無極極忌聲相近為太子建正義曰左傳云楚子之在

蔡也即陽之女奔之生太子建杜預云即蔡邑也即古覓反娶婦婦好來未至無

忌先歸說平王曰秦女好可自娶為太子更求

平王聽之卒自娶秦女生熊珍更為太子娶是

時伍奢為太子太傅無忌為少傅無忌無寵於

太子常讒惡太子建建時年十五矣其母蔡女

也無寵於王王稍益䟽外建也六年使太子建

也無寵於王王稍益䟽外建也六年使太子建

居城父守邊

正義曰父音甫括地志云成父故城在許州葉縣東北四十五里即杜預云襄城城

父縣也又汝州襄城縣東四十里亦有父城故城一所服虔云城父楚北境乃是父城之名非建所守杜預云言成父又誤也傳及酈元水經注云楚大城城父使太子建居之即十三州志云太子建所居城父謂今亳州城父縣也按今亳州見有城父縣是建所守者也地理志云潁川有父城縣沛郡有城父縣此二名別耳

無忌又日夜

讒太子建於王曰自無忌入秦女太子怨亦不能無望於王王少自備焉且太子居城父擅兵外交諸侯且欲入矣平王召其傅伍奢責之伍奢知無忌讒乃曰王奈何以小臣疏骨肉無忌曰今不制後悔也於是王遂囚伍奢而召其二子而告以免父死功令司馬奮揚召太子建欲

誅之太子聞之亡奔宋無忌曰伍奢有二子不殺者為楚國患蓋以免其父召之必至於王使使謂奢能致二子則生不能將死奢曰尚至胥不至王曰何也奢曰尚之為人廉死節慈孝而仁聞召而免父必至不顧其死胥之為人智而好謀勇而矜功知來必死必不來然為楚國憂者必此子於是王使人召之曰來吾免爾父伍尚謂伍胥曰聞父免而莫奔不孝也父戮莫報無謀也度能任事智也子其行矣我其歸死伍尚遂歸伍胥彎弓屬矢出見使者曰父有罪

何以召其子為將射使者遂走遂出奔吳伍奢
聞之曰胥亡楚國危哉楚人遂殺伍奢及尚十
年楚太子建母在居巢正義曰廬州巢縣是也開吳吳使
公子光伐楚遂敗陳蔡取太子建母而去楚恐
城郢正義曰在江陵縣東北六里以解於前按傳城郢在昭公二十三年下重言城郢杜預云楚用子囊遺言以築郢城矣今畏吳復脩以自固也初吳之邊邑卑梁與
楚邊邑鍾離小童爭桑兩家交怒相攻滅卑梁
人卑梁大夫怒發邑兵攻鍾離楚王聞之怒發
國兵滅卑梁吳王聞之大怒亦發兵使公子光
因建母家攻楚遂滅鍾離居巢楚乃恐而城郢

索隱曰去年已城郢今又重言據左氏昭二十三年城郢二十四年無重城郢之文是史記誤也十三年

平王卒將軍子常曰太子珍少且其母乃前太
子建所當娶也欲立令尹子西子西平王之庶
弟也有義子西曰國有常法更立則亂言之則
致誅乃立太子珍是為昭王昭王元年楚眾不
說費無忌以其讒亡太子建殺伍奢子尚與郤
宛宛之宗姓伯氏子嚭及子胥皆奔吳吳兵數
侵楚楚人怨無忌甚楚令尹子常正義曰各瓦左傳云囊瓦伐吳
誅無忌以說眾眾乃喜四年吳三公子昭三十年二公子奔奔楚楚封之以扞吳五年

楚公子掩餘奔徐公子燭庸奔鍾離此言三公子非

吳伐取楚之六潛

正義曰故六城在壽州安豐縣南百

城楚之潛邑在霍山縣東二百步

七年楚使子常伐吳吳大敗楚

於豫章

正義曰今洪州也

十年冬吳王闔閭伍子胥伯

嚳與唐蔡俱伐楚楚大敗吳兵遂入郢辱平王

之墓以伍子胥故也吳兵之來楚使子常以兵

迎之夾漢水陣吳伐敗子常子常亡奔鄭楚兵

奔吳乘勝逐之五戰及郢已卯昭王出奔庚辰

吳人入郢

春秋云十一月庚辰

昭王亡也至雲夢雲夢不知

其王也射傷王王走鄭

正義曰走音奏鄭音云括地志云安州安陸縣城本春秋

特鄭國城

鄭公之弟懷曰平王殺吾父

服虔曰父曼成然。正義曰成

然立平王貪求無厭平王殺之

今我殺其子不亦可乎鄭公止之

然恐其弑昭王乃與王出奔隨

正義曰括地志云隨州城外古隨國

隨姬姓也又云楚昭王城在隨州縣北七里左傳云吳師入郢王奔隨隨人處之公宮之北即此城是也吳王

聞昭王往即進擊隨謂隨人曰周之子孫封於

江漢之間者楚盡滅之欲殺昭王王從臣子綦

乃深匿王自以為王謂隨人曰以我予吳隨人

卜予吳不吉乃謝吳王曰昭王亡不在隨吳請

入自索之隨不聽吳亦罷去昭王之出郢也使

申包胥

服虔曰楚大夫王孫包胥

請救於秦秦以車五百乘救

楚楚亦收餘散兵與秦擊吳十一年六月敗吳

於稷賈逵曰楚地也會吳王弟夫概見吳王兵傷敗乃

亡歸自立為王闔閭聞之引兵去楚歸擊夫概

夫概敗奔楚楚封之堂谿正義曰地理志云堂谿故城在豫州鄆城縣西八十里

五里號為堂谿氏楚昭王滅唐杜預曰義陽安昌縣東南上唐鄉○正義曰括地志云上唐鄉故城在隨州棗陽縣東南百五十里古之唐國也世本云唐姬姓之國九月歸入

郢十二年吳復伐楚取番正義曰片寒反又音婆括地志云隨州鄆陽縣春秋時為楚東境秦為番縣屬九江郡漢為鄆陽縣也楚恐去郢北徙都都正義曰音若括地志云楚昭王故城在襄州樂鄉縣東北三十三里在故都城東五里即楚國故昭王徙都於此也十六年

孔子相魯二十年楚滅頓頓地理志云曰汝南頓縣故城在陳州南頓縣故頓子國應劭云古頓子國姬姓也逼於陳後南徙故曰南頓滅胡杜預曰汝南胡縣西北胡城

正義曰括地志云故胡城在豫州鄆城縣界

二十一年吳王闔閭伐越越

王勾踐射傷吳王遂死吳由此怨越而不西伐

楚二十七年春吳伐陳楚昭王救之軍城父十

月昭王病於軍中有赤雲如鳥夾日而蜚杜預曰雲在楚上唯楚是見之昭王問周太史太史曰是害於楚王然

可移於將相將相聞是言乃請自以身禱於神

昭王曰將相孤之股肱也今移禍庸去是身乎

弗聽卜而河為祟大夫請禱河昭王曰自吾先

王受封望不過江漢服虔曰謂所受王命祀其國中山川為望○正義曰按江荊州南大江也漢江也二水楚境內也河黃河非楚境也而河非所獲罪也止不許孔

子

子

子

子

子

子

子

子

子

子在陳聞是言曰楚昭王通大道矣其不失國
宜哉昭王病甚乃召諸公子大夫曰孤不佞再
辱楚國之師今乃得以天壽終孤之幸也讓其
弟公子申為王不可又讓次弟公子結亦不可
乃又讓次弟公子問五讓乃後許為王將戰庚
寅昭王卒於軍中子問曰王病甚舍其子讓羣
臣臣所以許王以廣王意也今君王卒臣豈敢
忘君王之意乎乃與子西子其羣謀伏師閉塗徐廣曰
閉塗按替師密發往迎也閉塗防
正義曰左傳云謀替師閉塗按替師密發往迎也閉塗防
斷外寇也為昭王薨於軍嗣子未定恐有隣國及諸公子之
變故伏師閉塗迎越女迎越女之子章立之服虔曰閉
塗不通外

使也越女昭王之妾。索隱曰閉塗即攢塗也故下立惠王後即罷兵歸葬服虔說非是為惠王

然後罷兵歸葬昭王惠王二年子西召故平王

太子建之子勝於吳以為巢大夫號曰白公徐廣

曰伍子胥傳曰使勝守楚之邊邑鄢駟案服虔曰白邑各楚

邑大夫皆稱公杜預曰汝陰襄信縣西南有白亭。正義曰

巢今廬州居巢縣也括地志云白亭在豫州襄信東南三十

二里襄信本漢鄢縣之地後漢分鄢置襄信縣在今襄信縣

東七十里白公好兵而下士欲報仇六年白公請兵

令尹子西伐鄭初白公父建亡在鄭鄭殺之白

公亡走吳子西復召之故以此怨鄭欲伐之子

西許而未為發兵八年晉伐鄭鄭告急楚楚使

子西救鄭受賂而去白公勝怒乃遂與勇力死

士石乞等龍襲殺令尹子西子綦於朝因劫惠王

置之高府賈逵曰高府府名也杜預曰楚別府欲弑之惠王從者屈

固負王亡走昭王夫人宮服虔曰昭王夫人也白公

自立為王月餘會葉公來救楚楚惠王之徒與

共攻白公殺之惠王乃復位是歲也徐廣曰惠王之十年滅

陳而縣之十三年吳王夫差彊陵齊晉來伐楚

十六年越滅吳正義曰表云越滅吳在元王四年四十二年楚滅

蔡正義曰周定王二十二年四十四年楚滅杞正義曰周定王二十四年與

秦平是時越已滅吳而不能正江淮北正義曰正北謂廣陵縣長也江淮

徐泗等州也楚東侵唐郢地至泗上五十七年惠王

卒子簡王中立正義曰中音仲反簡王元年北伐滅莒

正義曰括地志云密州莒縣故國也言北伐者莒在徐泗之北八年魏文侯韓武子

趙相子始列為諸侯二十四年簡王卒子聲王

正義曰謚法云不生其國曰聲也當立聲王六年盜殺聲王子悼

王熊疑立悼王二年三晉來伐楚至乘丘而還

徐廣曰年表三年歸榆關于鄭○正義曰年表云三晉公伐我至乘丘誤也巳解在年表中地理志云乘丘故城在兗

州瑕丘縣西北三十五里是也四年楚伐周鄭殺子陽九年伐韓

取負黍十一年三晉伐楚敗我大梁榆關索隱曰此

榆關當在大梁之西楚厚賂秦與之平二十一年悼王卒子

肅王臧立肅王四年蜀伐楚取茲方正義曰古今地名云荆州

松滋縣古鳩茲李熊說公孫於是楚為扞關以距之述曰東守巴

郡距扞關之口。索隱曰郡十年魏取我魯陽地理志云

南陽有魯陽縣。正義曰括地志云汝州魯十一年肅王

卒無子立其弟熊良夫是為宣王宣王六年周

天子賀秦獻主秦始復疆而三晉益大魏惠土

齊威王尤疆三十年秦封衛鞅於商南侵楚是

年宣王卒子威王能商立威王六年周顯王致

文武胙於秦惠王七年齊孟嘗君父田嬰欺楚

楚威王伐齊敗之於徐州徐廣曰時楚已滅越而伐

齊也齊說越令攻楚故云而令齊必逐田嬰田嬰恐張丑偽謂楚王

曰王所以戰勝於徐州者田盼子不用也索隱曰盼子嬰

族之同盼子者有功於國而百姓為之用嬰子弗

善而用申紀申紀者大臣不附百姓不為用故

王勝之也今王逐嬰子嬰子逐盼子必用矣復

搏其士卒以與王遇索隱曰搏音博亦有必不便於

王矣楚王因弗逐也十一年威王卒子懷王熊

槐立魏聞楚喪伐楚取我陘山正義曰括地志云

陘山在鄭州新鄭縣西南懷王元年張儀始相秦惠王四年秦惠

王初稱王六年楚使柱國昭陽將兵而攻魏破

之於襄陵得八邑索隱曰襄陵縣名在河東又移兵

古本作八邑今亦作八城

而攻齊齊王患之徐廣曰懷王六年昭陽移和而攻齊軍門曰和陳軫適為

秦使齊齊王曰為之奈何陳軫曰王勿憂請令

罷之即往見昭陽軍中曰願聞楚國之法破軍

殺將者何以貴之昭陽曰其官為上柱國封上

爵執珪陳軫曰其有貴於此者乎昭陽曰令尹

陳軫曰今君已為令尹矣此國冠之上索隱曰冠音貫令尹

尹中最尊故以國為言猶如冠子冠軍然臣請得譬言之人有遺其舍人

一卮酒者舍人相謂曰數人飲此不足以徧請

遂畫地為蛇蛇先成者獨飲之一人曰吾蛇先

成舉酒而起曰吾能為之足及其為之足而後

成人奪之酒而飲之曰蛇固無足今為之足是

非蛇也今君相楚而攻魏破軍殺將功莫大焉

冠之上不可以加矣索隱曰冠音高今又移兵而攻齊攻

勝之官爵不加於此攻之不勝身死爵奪有毀

於楚此為蛇為足之說也不若引兵而去以德

齊此持滿之術也昭陽曰善引兵而去燕韓君

初稱王秦使張儀與楚齊魏相會盟正義曰徐

廣云在梁與彭城之間十一年蘇秦約從山東六國兵攻秦

楚懷王為從長至函谷關秦出兵擊六國六國

兵皆引而歸齊獨後十二年齊湣王伐敗趙魏

軍秦亦伐敗韓與齊爭長十六年秦欲伐齊而
 楚與齊從親秦惠王患之乃宣言張儀免相使
 張儀南見楚王謂楚王曰敝邑之王所甚說者
 無先大王雖儀之所甚願為門闌之廝者亦無
 先大王敝邑之王所甚憎者無先齊王雖儀之
 所甚憎者亦無先齊王而大王和之索隱曰和謂楚與齊相和
 親是以敝邑之王不得事王而令儀亦不得為
 門闌之廝也王為儀閉關而絕齊今使使者從
 儀西取故秦所分楚商於之地方六百里商於之地在今順陽郡南鄉丹水二縣有商城在於中故謂之商於
○索隱曰地理志丹水及商屬弘農今言順陽者是魏晉

始分置順陽郡商於城冊水俱隸之

如是則齊弱矣是北弱齊西德
 於秦私商於以為富此一計而三利俱至也懷
 王大悅乃置相璽於張儀日與晉酒宣言吾復
 得吾商於之地羣臣皆賀而陳軫獨弔懷王曰
 何故陳軫對曰秦之所為重王者以王之有齊
 也今地未可得而齊交先絕是楚孤也夫秦又
 何重孤國哉必輕楚矣且先出地而後絕齊則
 秦計不為先絕齊而後責地則必見欺於張儀
 見欺於張儀則王必怨之怨之是西起秦患北
 絕齊交西起秦患北絕齊交則兩國之兵必至

索隱曰兩國謂韓魏

臣故弔楚王弗聽因使一將軍西受封地張儀至秦詳醉墜車稱病不出三月地不可得楚王曰儀以吾絕齊為尚薄邪乃使勇士宋遺北辱齊王齊王大怒折楚符而合於秦秦齊交合張儀乃起朝謂楚將軍曰子何不受地從某至某廣袤六里楚將軍曰臣之所以見命者六百里不聞六里即以命報懷王懷王大怒與師將伐秦陳軫又曰伐秦非計也不如因賂之一名都與之伐齊是我亡於秦索隱曰謂失商於之地取償於齊也吾國尚可全今王已絕於齊而責欺於

秦是吾合秦齊之交而來天下之兵也國必大

傷矣楚王不聽遂絕和於秦發兵西攻秦秦亦

發兵擊之十七年春與秦戰丹陽索隱曰此丹陽在漢中秦

大敗我軍斬甲士八萬虜我大將軍屈匄裨將

軍逢侯丑等七十餘人遂取漢中之郡楚懷王

大怒乃悉國兵復襲秦戰於藍田正義曰藍田在雍州東南八十里從藍田關入藍田縣

大敗楚軍韓魏聞楚之困乃南襲楚

至於鄧楚聞乃引兵歸十八年秦使使約復與

楚親分漢中之半以和楚楚王曰願得張儀不

願得地張儀聞之請之楚秦王曰楚且甘心於

子奈何張儀曰臣善其左右靳尚靳尚又能得
事於楚王幸姬鄭袖袖所言無不從者且儀以
前使負楚以商於之約今秦楚大戰有惡臣非
面自謝楚不解且大王在楚不宜敢取儀誠殺
儀以便國臣之願也儀遂使楚至懷王不見因
而囚張儀欲殺之儀私於靳尚靳尚為請懷王
曰拘張儀秦王必怒天下見楚無秦必輕王矣
又謂夫人鄭袖曰秦王甚愛張儀而王欲殺之
今將以上庸之地六縣賂楚以夫人聘楚王以
宮中善歌者為之媵楚王重地美女必貴而夫

人必斥矣夫人不若言而出之鄭袖亦言張儀
於王而出之儀出懷王因善遇儀儀因說楚王
以叛從約而與秦合親約婚姻張儀已去屈原
使從齊來諫王曰何不誅張儀懷王悔使人追
儀弗及是歲秦惠王卒二十年齊湣王欲為從
長

索隱曰俗本或作二十六年按下文始言二十四年又
更有二十六年則此云二十六年衍字也當是二十年

事又徐廣推校二十年取武遂二十三年
歸武遂則此二十一年之事乎 惡楚之與秦

合乃使使遺楚王書曰寡人患楚之不察於尊
名也今秦東心王死武王立張儀走魏樗里疾公
孫衍用而楚事秦夫樗里疾善平韓而公孫衍

善乎魏楚必事秦韓魏恐必因二人求合於秦
則燕趙亦宜事秦四國爭事秦則楚為郡縣矣
王何不與寡人并力收韓魏燕趙與為從而尊
周室以案兵息民令於天下莫敢不樂聽則王
名成矣王率諸侯並伐破秦必矣王取武關蜀
漢之地正義曰武關在商州東一百八十里商洛縣界蜀巴蜀漢中郡也私吳越之
富而擅江海之利韓魏割上黨西薄函谷則楚
之疆百萬也且王欺於張儀亡地漢中兵銜藍
田天下莫不代王懷怒今乃欲先事秦願大王
孰計之楚王業已欲和於秦見齊王書猶豫不

決下其議羣臣羣臣或言和秦或曰聽齊昭眚

曰索隱曰眚音七余反王雖東取地於越不足以刷耻必且

取地於秦而後足以刷耻於諸侯王不如深善

齊韓以重樛里疾如是則王得韓齊之重以求

地矣秦破韓宜陽索隱曰弘農之縣在澠池西南而韓猶復事秦

者以先王墓在平陽索隱曰非堯都也而秦之武遂去之

七十里索隱曰亦非河間國之縣則韓之平陽秦之武遂並當在宜陽左右以故尤畏秦

不然秦攻三川正義曰洛州也趙攻上黨楚攻河外韓

必亡楚之救韓不能使韓不亡然存韓者楚也
韓已得武遂於秦以河山為塞正義曰河蒲河西黃河也山韓西境也

所報德莫如楚厚臣以為其事王必疾齊之所
信於韓者以韓公子昧正義曰莫葛反後同為齊相也韓

已得武遂於秦王其善之使之以齊韓重樛里

疾疾得齊韓之重其主弗敢棄疾也今又益之

以楚之重樛里子必言秦復與楚之侵地矣於

是懷王許之竟不合秦而合齊以善韓徐廣曰懷王之

二十一年秦拔百陽取武遂二十三年秦復歸韓武遂然則已非二十年事矣二十四年倍齊

而合秦秦昭王初立乃厚賂於楚楚往迎婦二

十五年懷王入與秦昭王盟約於黃棘秦復與

楚上庸二十六年齊韓魏為楚負其從親而合

於秦三國共伐楚楚使太子入質於秦而請救

秦乃遣客卿通將兵救楚三國引兵去二十七

年秦大夫有私與楚太子鬪楚太子殺之而亡

歸二十八年秦乃與齊韓魏共攻楚殺楚將唐

昧取我重丘而去二十九年秦復攻楚大破楚

楚軍死者二萬殺我將軍景缺懷王恐乃使太

子為質於齊以求平三十年秦復伐楚取八城

秦昭王遺楚王書曰始寡人與王約為弟兄盟

于黃棘太子為質至驪也太子陵殺寡人之重

臣不謝而亡去寡人誠不勝怒使兵侵君王之

邊今聞君王乃令太子質於齊以求平寡人與

楚接境壤界故為婚姻正義曰妻父曰十年父曰姻重姻曰王兩婿相謂曰姪

所從相親久矣而今秦楚不驩則無以令諸侯

寡人願與君王會武關面相約結盟而去寡人

之願也敢以聞下執事楚懷王見秦王書患之

欲往恐見欺無往恐秦怒昭睢曰王母行而發

兵自守耳秦虎狼不可信有并諸侯之心懷王

子子蘭勸王行曰奈何絕秦之驩心於是往會

秦昭王昭王詐令一將軍伏兵武關號為秦王

楚王至則閉武關遂與西至咸陽索隱曰右扶風渭城縣故咸陽

也城朝章臺如蕃臣不與元禮楚懷王大怒悔不

用昭子言秦因留楚王要以割巫黔中之郡楚

王欲盟秦欲先得地楚王怒曰秦詐我而又彊

要我以地不復許秦秦因留之楚大臣患之乃

相與謀曰吾王在秦不得還要以割地而太子

為質於齊齊秦合謀則楚無國矣乃欲立懷王

子在國者昭睢曰王與太子俱困於諸侯而今

又倍王命而立其庶子不且乃詐起於齊齊湣

王謂其相曰不若留太子以求楚之淮北相曰

不可郢中立王是吾抱空質而行不義於天下

也或曰不然郢中立王因與其新王市曰予我下東國吾為王殺太子不然將與三國共立之然則東國必可得矣齊王卒用其相計而歸楚太子太子橫至立為王是為頃襄王乃告于齊曰賴社稷神靈國有王矣頃襄王橫元年秦要懷王不可得地楚立王以應秦秦昭王怒發兵出武關攻楚大敗楚軍斬首五萬取析十五城而去徐廣曰年表云取十六城既取析又并取左右十五城也駟案地理志弘農有析縣正義曰括地志云鄧州內鄉縣城本楚析邑一名丑漢置析之因析水為名也二年楚懷王亡逃歸秦覺之遮楚道懷王恐乃從間道走趙以求歸趙

主父在代索隱曰主字亦作王其子惠王初立行王事恐不

敢入楚王楚王欲走魏秦追至遂使秦使復之

秦懷王遂發病頃襄王三年懷王卒于秦秦歸

其喪於楚楚人皆憐之如悲親戚諸侯由是不

直秦秦楚絕六年秦使白起伐韓於伊闕正義曰括地志

伊闕山在洛州南十九里也大勝斬首二十四萬秦乃遺楚王

書曰楚倍秦秦且率諸侯伐楚爭一旦之命願

王之飭士卒得一樂戰楚頃襄王患之乃謀復

與秦平七年楚迎婦於秦秦楚復平十一年齊

秦各自稱為帝月餘復歸帝為王十四年楚頃

襄王與秦昭王好會于宛結和親十五年楚王與秦三晉燕共伐齊取淮北十六年與秦昭王好會於鄢其秋復與秦王會穰十八年楚人有好以弱弓微繳加歸鴈之上者頃襄王聞召而問之對曰小臣之好射騏鴈羅龍鳥徐廣曰曰靜曰龍鳥野鳥也○索隱曰騏音其小馬也鄒誕龍鳥音盧動反劉氏音龍是也小鳥名小矢之發也何足為大王道也且稱楚之大因大王之賢所弋非直此也昔者三王以弋道德五霸以弋戰國故秦魏燕趙者騏鴈也齊魯韓衛者青首也索隱曰小鳥有青首者鄒費郊邳者羅龍鳥也費音鄒邳外其餘則不

足射者見鳥六雙以王何取索隱曰以喻下文秦趙其十二國故云六雙又

王何不以聖人為弓以勇士為繳時張而射之

此六雙者可得而囊載也其樂非特朝夕之樂

也索隱曰文簡昔也其獲非特鳧鴈之實也王朝張弓而

射魏之大梁之南加其右臂而徑屬之於韓則

中國之路絕而上蔡之郡壞矣還射圍之東索隱

曰還音惠遠也射音石○正義曰圍音語城在汴州雍丘縣東言王胡張弓射魏大梁汴州之南即加大梁之右臂連韓

郊則河北中國之路向東南斷絕則韓上蔡之郡自破壞矣復進射雍丘圍城之東便解散魏左肘宋州而外擊曹定陶

及魏東之外解棄則宋方與兩郡並舉解魏左肘索隱曰解音紀買反而外擊曹定

陶則魏之東外棄而大宋方與二郡者舉矣且

魏斷二臂顛越矣齊擊郊國大梁可得而有也

王績繳蘭臺徐廣曰績紫也音爭蘭一作簡正義曰

績也按繳絲繩繫弋射鳥也若雁擊郊圍大梁已了乃收弋繳於蘭臺相山之別名也飲馬西河定

魏大梁此一發之樂也若王之於弋誠好而不厭

則出寶弓落新繳徐廣曰以石傳弋繳曰落落音波射

噶鳥於東海還蓋長城以為防徐廣曰噶一作獨還

在泉安蓋縣在泰山濟北盧縣有長城東至海也○索隱曰

蜀音書謂大鳥之有鉤喙者以比齊也還音患謂連也蓋者

覆也言射者環遶蓋覆使無飛走之路因以長城為防也徐

郡記云太山西北有長城緣河徑太山千餘里至瑯琊臺入

海齊記云齊宣王乘山嶺之上築長城東至海西至濟州千

餘里以備楚括地志云長城西北起濟州平陰縣緣河歷太

山北崗上經濟州淄州即西南兗州博城縣北東至密州瑯

琊臺入海嶺代記云亦有朝射東莒正義曰括地志云

長城巨防足以為塞也夕發沮丘徐廣曰在

國地理志云周武王封少昊之後裔夜加即墨顧據牛道

性於莒始都計斥春秋時徙居莒也而太

義曰括地志云沮丘立名也在則長城之東收

青州臨淄縣西北二十五里也山之北舉矣西結境於趙

索隱曰顧反也午道當在齊西界一從一橫為午道蓋亦未

詳其處○正義曰劉伯莊云齊西界按蓋在博州之西境也北達於燕

索隱曰北一作杜杜者寬大之名言齊晉既復三國布抵

言燕無山河之限也不待約而可成也北遊目於燕之遼東而南登

望於越之會稽此再發之樂也若夫泗上十二

諸侯左繁而右拂之可一旦而盡也今秦破韓以爲長憂得列城而不敢守也伐魏而無功擊

趙顧病索隱曰顧猶反也則秦魏之勇力屈矣楚之故

地漢中析酈可得而復有也王出寶弓浞新繳

涉酈塞徐廣曰或以爲冥今江夏一作龜○正義曰括地志云故酈城在陝州河北縣東十里盧邑也杜預

云河東太陽有酈城是也徐言江夏亦誤也而待秦之倦也山東河內正義

曰謂華山之東可得而一也勞民休衆南面稱王

矣故曰秦爲大鳥負海內而處東面而立左臂

據趙之西南右臂得楚鄢郢應擊韓魏索隱曰

秦之前故云膺擊俗本作膺非垂頭中國索隱曰垂頭猶申頭也言欲吞山東處旣形

便勢有地利奮翼鼓抵方三千里則秦未可得

獨招而夜射也欲以激怒襄王故對以此言襄

王因召與語遂言曰夫先王爲秦所欺而客死

於外怨莫大焉今以匹夫有怨尚有報萬乘白

公子胥是也今楚之地方五千里帶甲百萬猶

足以踊躍中野也而坐受困臣竊爲大王弗取

也於是頃襄王遣使於諸侯復爲從欲以伐秦

秦聞之發兵來伐楚楚欲與齊韓連和伐秦因

欲圖周周王赧使武公徐廣曰定王之曾孫而西周惠公之子謂楚相

昭子曰二國以兵割周郊地以便輸而南器以

尊楚臣以為不然夫弑共主臣世也索隱曰共主世也世君俱是周

自謂也共主言周為天下共所宗大國不親以衆脅寡

小國不附大國不親小國不附不可以致各實

各實不得不足以傷民夫有圖周之聲非所以

為號也昭子曰乃圖周則無之雖然周何故不

可圖也對曰軍不五不攻城不十不圍夫一周

為二十晉正義曰言周王之國其地雖小諸侯尊之故敵二十晉公之所知也

韓嘗以二十萬之衆辱於晉之城下銳士死中

士傷而晉不拔公之無百韓以圖周此天下之

所知也夫怨結於兩周以塞鄒魯之心索隱曰鄒魯魯有禮三

之國今楚欲結怨兩河而奪九鼎是塞鄒魯之心交絕於齊正義曰楚本與齊韓和伐秦因欲圖

周齊不與圖周故聲失天下其為事危矣夫危兩

周以厚三川正義曰三川兩周之地韓多有之言厚韓也方城之外正義曰

外許州葉縣東北也言楚取兩周則韓強必弱楚方城之外也必為韓弱矣何以知

其然也西周之地絕長補短不過百里名為天

下共主裂其地不足以肥國得其衆不足以動

兵雖無攻之名為弑君然而好事之君喜攻之

臣發號用兵未嘗不以周為終始是何也見祭

器在焉欲器之至而忘弑君之亂今韓以器之

在楚臣恐天下以器讎楚也臣請璧之夫虎肉

臊其兵利身

索隱曰謂虎以爪牙為兵而自利於防身也

人猶攻之也若

使澤中之麋蒙虎之皮人之攻之必萬之於虎

索隱曰攻易而利大也。正義曰野澤之麋蒙衣虎皮人之攻取必萬倍於虎也。譬楚伐周收祭器其猶麋蒙虎皮矣。

裂楚之地足以肥國訕楚之名足以尊主今子

將以欲誅殘天下之共主居三代之傳器

也吞三朝六翼以高世主

索隱曰鞠亦作鞫同音歷。足曰鞠六翼即六巨翼。近曰旁事且小爾雅。非貪而何周書曰欲起無先

故器南則兵至矣於是楚計輟不行十九年秦

伐楚楚軍敗割上庸漢北地予秦

二十年秦將白起拔我西陵

水之北與秦

二十年秦將白起拔我西陵

正義曰謂割房金均三州及漢

志云西陵故城在黃州黃山西二里二十一年秦將白起遂拔我郢

燒先王墓夷陵

徐廣曰年表云拔郢燒夷陵。索隱曰地志云峽州夷陵縣是也在荆州西應劭云夷山在西北

楚襄王兵散遂不復戰

東北保於陳城二十二年秦復拔我巫黔中郡

二十三年襄王乃收東地兵得十餘萬復西取

秦所拔我江旁十五邑以為郡距秦二十七年

使二萬人助三晉伐燕復與秦平而入太子為

質於秦楚使左徒侍太子於秦三十六年頃襄

王病太子亡歸秋頃襄王卒太子熊元代立

曰系本是為考烈王考烈王以左徒為令尹封

以吳號春申君考烈王元年納州于秦以平徐廣

曰南郡有州陵縣是時楚益弱六年秦圍邯鄲趙告急楚

楚遣將軍景陽救趙七年至新中索隱曰趙地无其名字誤鉅鹿

有新市中當為市也。正義曰新中相州安陽縣也秦兵

去徐廣曰年表云六年春申君救趙十年徙於距陽十二年秦昭王卒楚王

使春申君弔祠于秦十六年秦莊襄王卒秦王

趙政立二十二年與諸侯共伐秦不利而去楚

東徙都壽春正義曰壽春在南壽春縣是也命曰郢二十五年

考烈王卒子幽王悍立李園殺春申君幽王三

年秦魏伐楚秦相呂不韋去十九年秦滅韓十年

幽王卒同母弟猶代立是為哀王哀王立二月

餘哀王庶兄負芻之徒襲殺哀王而立負芻為

王是歲秦虜趙王遷王負芻元年燕太子丹使

荆軻刺秦王二年秦使將軍伐楚大破楚軍亡

十餘城三年秦滅魏四年秦將王翦破我軍於

蘄索隱曰公而殺將軍項燕五年秦將王翦蒙

武遂破楚國虜楚王負芻滅楚名為楚郡云孫檢

曰秦虜楚王負芻滅去楚各以楚地為二郡。索隱曰非注頻引孫檢不知其人本末蓋齊人也

太史公曰楚靈王方會諸侯於申誅齊慶封作

章華臺求周九鼎之時志小天下及餓死于申

亥之家為天下笑操行之不得悲夫勢之於人
也可不慎與棄疾以亂立嬖淫秦女甚乎哉幾

再亡國索隱曰
幾音祁

索隱述楚具曰

粥萬能之嗣 周封於楚 僻在荆蠻

葦路藍縷 及通而霸 僭號曰武

文既代申 成亦赦許 子圉篡嫡

商臣殺父 天禍未悔 憑姦自怙

昭困奔亡 懷迫囚虜 頃襄考烈

祚衰南土 楚世家第十終

